

UMS anjur Pertandingan Deklamasi Lakon

KOTA KINABALU: Universiti Malaysia Sabah (UMS) menganjurkan Pertandingan Deklamasi Lakon (Dekon) Makum 2003 kali ke-3 antara institusi Pengajian Tinggi Awam (IPTA) di negara ini di Dewan Kuliah Pusat 1, UMS selama empat hari berakhir hari ini.

Menurut Pengarah Projek Isa Romtie, pertandingan itu merupakan gelanggang terbaik

mahasiswa dan siswi memamerkan kreativiti dan keintelektualan mereka.

Dekon bertemakan 'Keamanan Dunia' memberi peluang kepada para peserta menonjolkan keprihatinan mereka tentang isu dunia terkini sebagai saluran didaktik dan estetika yang berkualiti kepada masyarakat.

"Kami mengharapkan melalui Dekon Makum 2003, para mahasiswi dan siswa dapat

menyuarakan pendapat mereka tentang keamanan dunia sebagai tuntutan hak asasi manusia melalui pementasan," katanya dalam satu kenyataan, di sini.

Dekon Makum 2003 adalah gabungan konsep Deklamasi dan Lakon yang diilhamkan oleh Sasterawan Negara Datuk A.Samad Said. Ia juga merupakan salah satu aktiviti Majlis Kebudayaan Universiti-Universiti Malaya (Makum). -

OLEH MARRYAN RAZAN